



KOMUNIKADO PA PRENSA

Fecha
7 / 8 / 2016

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Ban desaroyá Bonam!

Enkuentro ku bario pa papia riba posibel plenchi den Bonam.

Willemstad - Plenchi den Bonam lo por trese habitantenan huntu. Pa konosé otro, papia, organisá ban topa i muchu mas. Kada bario meresé un òf mas plenchi: Bonam tambe! Den kuadro di esaki, Minister Suzy Camelia-Römer ta invitá tur habitante di Bonam na un enkuentro riba djarason awor pa 7.30 di anochi. E enkuentro ta tuma lugá na Sentro di Bario Bonam.

Servisio pa Planifikashon Urbano (ROP) lo duna un presentashon di un posibel diseño pa e plenchi den Bonam. Habitante por duna nan komentarionan i deseonan pa asina e diseño ta na nan smak. Lo tene cuenta ku esakinan mas tantu ku ta posibel.

C-POST tambe lo tei presente pa splika tokante e asina yama 'Community Mailboxes' ku ta introdusiendo den diferente bario. Kon por pone nan? Na unda lo ta mas ideal? Kuantu mester? Ets. Esaki lo ta djis algun di e preguntanan ku ta habitantenan so por yuda kontesta.

Habitantenan di Bonam, Minister Camelia-Römer ta warda boso djarason pa 7.30 di anochi na Sentro di Bario Bonam.